



UNIVERSITÄTS-
BIBLIOTHEK
PADERBORN

Universitätsbibliothek Paderborn

Marii Mercatoris S. Augustino Æqualis Opera Quaecumque Extant

[Complectens Ea Quæ Ad Hæresim Nestorianam Spectant]

Marius <Mercator>

Parisiis, 1673

Praefatio.

urn:nbn:de:hbz:466:1-14215

jici potuit, ab homine, qui careret ope Mercatoris differentiam indicantis inter utrumque opus *mercatoris*.

Quo tempore scriptum.

Tempus scriptoris non improbabiler concluditur ex epistola prima ad Himerium Nico-mediensem, de his siquidem intelligi debent ista: *Lectis ex Aegypto literis destinatis, & ad nos saepe discussis, invenimus eas doctrina quidem congruentes Ecclesie, duodecim vero capitulis contrarius esse probavimus, quae usque impresentiarum impugnare perstitimus. Quare eo temporis intervallo confectos oportet, quod a recessu Orientalium Epheso in patriam, ad negotium pacis Ecclesiarum intercessit, id est, ann. 432.*

Qui meminere. Irenaeus Episcopus Tyri.

Hujus operis meminerunt veterum plures, & primus quidem Irenaeus Episcopus Tyri, cum quereretur, literis ad Theodoretum scriptis, ab ipso, dum suae opinionis testes produceret Patres, praetermissum fuisse Theodorum Mopsuestenum, imo & Diodorum Tarsensem Theodori magistrum: utrumque enim revera praetermisit hoc in opere Theodoretus, uti longe plurimos alios profert; visusque est objectionem occupasse libro quarto, parte ultima, ubi de ista re iterum sermo erit. Cur ita videatur, causa est primum, quod Irenaeus scriberet ad Theodoretum eo fere tempore, quo diximus editum istud opus, quando scilicet agebatur negotium pacis inter Ecclesias, mitterenturque vltro citroque fidei expositiones verbis quibusdam ambiguis studiose compositae.

Justinianus imperator.

Deinde vero Justinianus imperator in sacra ad Patres v. synodi, cum queritur, impietatem a Nestorio traditam iterum introduci per Theodorum Mopsuestenum Nestorii magistrum, &c. necnon per impia conscripta Theodoretis, quae contra rectam fidem, & Ephesinam primam synodum, & contra sanctae memoriae Cyrillum exposuit, &c.

Patres v. synodi.

Quinta synodi Patres, can. xlii. *Siquis defendit impia Theodoretis conscripta, quae contra rectam fidem, & contra primam Ephesinam synodum, & sanctum Cyrillum, & duodecim ejus capitula exposuit, & omnia quae conscripsi pro Theodoro & Nestorio impiis, &c. anathema sit.*

Quid collectaneis ostendat Mercator.

Nihil porro Mercator aliud hisce collectaneis ostendere nititur, quam quod Theodoretus eadem, quae Theodorus & Nestorius, senserit, id est, duos re ipsa filios duosque dominos distinxerit; atque ita filium Virginis merum esse revera hominem ratus sit, quantumcunque contrariam opinionem tenere videri voluerit. Id vero efficit Mercator duobus argumentis, consonantia vocum & sententiarum Theodoretis cum praefatis duobus, & professio in utrumque studio, odioque in sanctum Cyrillum & Patres Ephesinos, quos Arianorum atque Apollinarianorum nomine traducit.

Nec mirum sit tibi, lector, Mercatorem Theodoretum viro magni nominis tantam acceptionem, tam gravibus verbis struere. Maluit egregius fidei defensor adherere toti Ecclesiae, quam homini turbarum aliquanto amantiore. Marius certe tunc scripsit, cum dubia foret Theodoretis fides apud sanctos, nec adhuc in sacra synodo Calchedonensti contestata esset.

Mercatoris judicium approbavit Gregorius magnus, si modo, quod docti consentunt, nomine Pelagii sui praedecessoris, ipse adhuc in minoribus constitutus, scripsit epistolam, sive librum ad Eliam Aquileiensem, & alios Ileriae Episcopos schismaticos, qui damnationi trium capitulorum non consentirebant. Obijcit enim Theodoretum, eadem quae Mercator, fidei excerptis testimoniis, & isdem, imo totidem verbis. Suis singula proferemus locis. Videtis epistolam cap. 20. vnde quatuor intelliges.

Primum, codicem Marii Mercatoris a Gregorio magno visum: inde enim omnia excerptis, quae loco mox citato bene multa profert. Alterum, in eodem codice cum literis Theodoretis fuisse quoque reprehensiones anathematizantium Cyrilli, & excerpta de libris, de quibus nunc agitur, quomodo sunt re ipsa in manus scriptis nostris. Tertium, eundem esse omnium interpretem, Mercatorem scilicet: totidem enim verbis a Gregorio citantur. Quartum, quam opinionem de Theodoretum, nondum in Calchedonensti concilio fidem professio, Gregorius conceperit: ipsum enim ait contra rectam fidem scripsisse, sanctae Ecclesiae diversa sensisse, post errorem recte sapuisse, detulisse unitatem deitatis & humanitatis in Christo, composuisse scripta prava, heretica & omni impietate plena, quibus subjungit Mercatoris Theodoretum acerbius compellantis defensionem. *Quis non videat, quanta temeritate plenum sit, Theodoretis scripta superbiendo defendere, quae eundem ipsum constat, recta postconfiando, damnasse? Et postea: Sola ejus haeretica scripta respuentur, & cum synodo adhuc Nestorianum insequitur, & cum synodo Theodoretum recta profitentem veneramus.*

Atque haec, sive Pelagius ipse papa scripserit, sive Gregorius adhuc diaconus Pontificis nomine, maxima sane auctoritate pollent, majore saltem, quam qui contraria Mercatori meo sentiunt.

Observa, lector, Gregorium, cum de tribus capitulis in epistola scriberet, de duobus ea posuisse, quae ex quinta synodo sumperat: cum autem accessit ad tertium de Theodoretum, ex solo Mercatore accepisse collectanea, & licet quaedam in v. synodo etiam legantur, veluti quae pertinent ad primum anathematismum, in ista tamen, relicto textu v. synodi, Mercatoris versionem praetulisse.

Mercatoris Theodoretum infamiam defensor.

Testimonio Gregorii magni comprobata.

